

Hab. in umbrosis rupestribus regionis inferioris montis *Cassii* et *Antilibani* suprâ *Zebdani*. Legi Maio 1846.

Affinis præcedenti a quâ differt indumento glanduloso partis inferioris plantæ, foliis vix lyratis pinnatipartitis segmentis copiosioribus, caule multò ramosiori polycephalo pedunculis brevioribus, involucri phyllis livescentibus radio breviori. *L. intermedia* characteribus in Diagnosi præcedenti datis longius differt. *L. adenophora* deniquè tota ad apicem usquè glandulosa est, habet prætereà folia lyrata, paniculam contractissimam, phylla ad medium setosa etc.

**LAMPSANA RAMOSISSIMA Boiss.**

*L. biennis*, infernè parcè pilis albis sparsis patulis flexuosis obsita supernè glaberrima, caule ferè a basi dichotomè ramosissimo effusissimè paniculato, foliis radicalibus lyratis lobis lateralibus utrinquè 3-4 oblongis subretrorsis acutis repando-dentatis terminali 2-3 plò longiori oblongo vel e basi truncato-subcordatâ triangulari acuto, foliis caulinis paucis linearibus acutis rameis brevissimis setaceis, pedunculis gracillimis capitulo obconico 6-8 plò longioribus, involucri basi brevissimè calyculati phyllis viridi-sublivescentibus glabris vel infernè puberulo-glandulosis apice membranaceis acutiusculis, flosculis radii involucri subduplò longioribus.

Hab. in *Libano* suprâ *Cedros*, in lapidosis regionis inferioris *Hermionis* suprâ *Rascheya*.

Speciei præcedenti valdè affinis sat tamen differre videtur caule a basi ramoso non glanduloso, capitulis paulò minoribus, involucri phyllis apice membranaceo-attenuatis. — Species ternæ hîc descriptæ forsan inter se nimis affines sed donec specimina intermedia eas formas unius speciei polymorphæ esse docuerint eas seorsim proponere debui.

**KALPINIA SESSILIS Boiss. in Kotsch. pl. Pers. bor. 1846.**

*K. annua* caulibus brevissimis sub anthesi sæpiùs nullis, foliis glaucis glabris linearibus brevibus integerrimis, capitulis ad collum et secùs ramos sessilibus minimis, involucri phyllis adpressis lanatis elliptico-linearibus albo-marginatis, acheniis striatis dorso aculeis patulis hamatis obsitis prætereà glabris in capitulis diversis dissimilibus aliis elongatis semicirculariter incurvis apice subampliatis vix bifidis, aliis

crassioribus brevioribus arcuè revolutis-subcircinnatis apice longissimè et divaricatim bipartitis.

— Hab. in aridis provinciæ *derbidjan* (Aucher N° 4875), in argillosis salsis propè *Teheran* (Kotschy N° 60).

Plantula nana cujus specimina prorsus acaulia habitu *Plantaginem Creticam* referunt. Folia 8-10 lin. longa basi lineam lata, capitula illis *K. linearis* minora. A *Kælp. lineari* eximie distincta foliis multò brevioribus pro longitudine latioribus, capitulis sessilibus nec longè pedunculatis, acheniis dimorphis præter aculeos dorsales non scabridis.

#### ROBERTIA TENUIFLORA Boiss.

*R.* foliis omnibus radicalibus oblongo-linearibus sub lente parçè setosis viridibus runcinato-pinnatilobatis lobo terminali majori, scapis tenuissimis folia vix duplò superantibus supernè squamulis paucis ob-  
sitis, capitulis parvis paucifloris, involucri phyllis planis albo-puberulis nigricantibus albomarginatis infernè longè et parçè crinitis ab exterioribus ad intima elongatis paucis, ligulis concoloribus, receptaculi paleis membranaceis lineari-acuminatis achenia superantibus, acheniis transversè rugosis breviter attenuato-rostratis, pappi plumosi setis basi vix dilatatis.

Hab. in insulà *Cretâ* ubi legi cl. Prof. Raulin.

Planta bipollicaris, folia eis *R. taraxacoidis* minùs profundè divisa vix sesquipollicaria, scapi eis hujus duplò tenuiores, capitula minora; ab eâ insuper differt phyllis inæquilongis nec æquilongis exactèque uniserialibus, acheniis apice breviter attenuatis. Hæc planta habet faciem *Deloderii* sed hoc subgenus ab eâ differt receptaculo subnudo, acheniis longè rostratis, pappi setis paucis basi paleaceo-dilatatis, plumulis deciduis.

#### HAGIOSERIS Boiss.

Capitulum multiflorum. Involuerum biseriale squamis exterioribus linearibus patulis interioribus incurvis convoluto-cymbiformibus achenia radii foventibus apice longè acuminatis tandem deciduis. Receptaculum nudum. Achenia teretiuscula transversè rugosa exteriora valdè incurva pappo brevissimo coroniformi fimbriatulo superata interiora